

焦氏四書講錄

焦氏四書講錄下並卷之十三

告子曰性猶杞柳一節

告子認氣為性却不知性特附於氣者

性是氣之靈而不雜於氣也

子曰子能順杞柳一節

杞柳是木梧捲是器順杞柳之性不能成梧捲子豈能順

杞柳之性而為梧捲乎蓋凡將戕賊杞柳而後可為梧捲也

杞柳可戕賊也而人性亦可戕賊乎若告子者賊夫人之子

矣○問孟子諄諄於辨性此是何等意思曰性既是善然後

君師之道可舉君可使之仁臣可使之忠父可使之慈子可

使之孝長幼可使之序男女可使之別朋友可使之信善可

賞而惡可罰皇極可立而天下可治矣不然將不仁不中不

傳氏曰性猶水也
然不孝不序不別不信有凡之惡無一不惡可為者而曰性本
告子曰性猶湍水也一節

告子杞柳之喻是以性本為惡無善脩之而後善此湍水之
喻施以性本無善無惡可以為善而亦可以為不善雖云小
變要皆非論性之本旨也

孟子曰水信無分一節

水信無分於東西承告子水無分於東西之語而然之也然
決諸東方則東流必其東之下也決諸西方則西流必其西
之下也是豈無上下之分者乎○人性之善二句是說性之
善人無有不善二句反說以見性之必善一說上二句是說
性之本善下二句是說性善之同人無有不善人人皆善者

今夫水搏而躍之一節

告子曰生之謂性

告子認氣為性生是知覺運動之氣然須知覺運動的靈妙

據說謂之性物類雖亦知覺運動而為氣質所限靈妙便不能舍故論人性者必於其靈妙處告子却未之知也

孟子曰生之謂性也一節

孟子本要以犬牛之性猶人之性折告子故先詰他白之謂白以起折之之端白羽四句又是惡他說之未定重詰以審實之使他窮屈而更無以為辭也○白羽白雪白玉連絡說下正是白之謂白之意羽雪玉白之色雖同而白之質不同猶人物之生雖同而生之理不同告子槩以白者為同而不復論其質是槩以生者為同而不復論其理矣然則犬牛之與人亦混為一類而無靈蠢貴賤之別者乎

則犬之性猶牛之性牛之性猶人之性與

此處本要只說然則犬牛之性猶人之性與犬之性猶牛之性。是牽過一步以起下句也。槩以知覺運動而為性則犬牛與人一樣矣。若以靈竅環論性則犬牛與人相去何啻萬倍耶。○陽明子曰：生之固是性，但告子認得一邊去了，不曉得頭腦。若曉得頭腦如此說，亦不妨凡人信口說的任意行的。皆云此是依我心性出來，此正生之謂性也。然却有過差者，曉得頭腦係吾良知上說出來，行將去便自是停當。然良知亦只是這口說的，亦只是這身子行的，豈能外得氣別有箇去行去說者乎？故曰：論性不論氣，不備論氣不論性，不明。○孟子當時論性，亦豈不知要兼氣論？乃只道箇性善而不復參之以氣者，只緣當時異端橫行，若不以氣論性，便是與異

論者立赤幟了其流之弊必將以性為惡或以性為善惡混
胥人類而犬牛胥天下而夷狄矣故只索以性善立論補偏
救弊之意也噫是豈得已者哉

告子曰食色性也仁內也非外也義外也非內也

孟子開口便說仁義蓋要學者兼致其力也告子說仁內義
外見得但當用力於仁而不必求合於義看他意思只是要
相矯以爭主吾道之盟耳

孟子曰何以謂仁內二節

白馬白人承告子彼白而我白之說來白馬白人不是是因
就其白於外也長馬長人不同則謂之非有長於我也可采
○且謂二句還是詰之之詞故告子未達而云以長為悅是

果以長為義而不以長之者為義矣

曰吾弟則愛之二節

長楚人之長亦長吾之長人固有然者秦人之長亦者吾之長物亦有然者也然矣雖在外而所以養之者亦在外歟長雖在外而所以長之者亦在外歟矣在外而者之者在內長在外而長之者在內可見義不在外矣○仁義是一箇理即仁之行而無不宜者非仁自仁而義自義也仁既在內義而義豈在外哉且以長為義而云以長為悅悅之者亦心也心既在內義而義豈在外哉

孟子子問公都子曰二節

義主於敬敬是吾心之敬而行亦是吾自行之故謂之義內

鄉人長於伯兄二節

彼將曰在位故也弟在祖考之位叔父與我皆是子孫子孫以敬祖考為重故敬弟子亦曰在位故也鄉人在賓客之位伯兄與我皆是主人以敬賓客為重故敬鄉人然則庸敬在兄斯須之敬在鄉人亦猶庸敬在叔父斯須之敬在弟也或常或暫因時而制宜轉移之機要皆在我而不在外也季子聞之曰敬叔父一節

當敬叔父則敬叔父當敬弟則敬弟猶冬日常飲湯則飲湯夏日當飲水則飲水湯與水雖在外因時而飲食之者則在秋之心也使以敬為在外則飲食亦在外歟知飲食不在外則知敬亦不在外矣義內之肯復何疑哉

公都子曰告子曰性無善四節

首條言性無善無惡次條言性可善可惡三條言性有善有惡

孟子曰乃若其情則可以為善矣乃所謂善也

人之性發而為情可以為善則性之善可知乃所以謂性善也性既是善則無善無不善之說非矣性但可以為善則可以為善可以為不善之說非矣性既皆善則有善有不善之說亦非矣

若夫為不善非才之罪也

性既是善然却又有為不善者何也物欲陷溺之故耳非其才之罪也性情才總是一箇理非才之罪則非情之罪可知矣

惻隱之心人皆有之一節

此詳明上天之意惻隱羞惡恭敬是非人皆有之是明乃若

其情則可以為善也仁義禮智我固有之是明乃所謂善也
弗思而不能盡其才是明若夫為不善非才之罪也仁義禮
智則隱羞惡恭敬是非都是極好的字只玩味這數箇字面
亦自無疑於孟子之所謂善矣

詩曰天生蒸民一節

此詩作於尹吉甫三百詩中唯此是大頭腦則字即天則之
則秉彝懿德即是則也自物而言用則字見其非現然之一
物也自所秉而言用彝字以其為所性之常也自所好而言
用懿字以其為美德而好之也其用字亦各有義矣○孔子
說詩只用三四箇字作轉語便自明白後儒解書却費多
口樣葛藤纏繞根餘反為蒙翳矣○仁義禮智即則與秉彝

之謂也惻隱羞惡恭敬是非卽好是懿德之謂也以情論性是託出一箇真證佐引聖人贊的詩詞又是取從前素卷來剖斷也孟子果命世之才哉○此詩有曰小心翼翼曰威儀是力曰明哲以保身曰匪懈以事人以至補袞闕而將明命柔不茹而剛不吐盡性的工夫事業亦備於此矣小子何莫學夫詩尤何莫學夫以詩哉

孟子曰富歲一節

此章論人性之善始終只重箇同字以心論性者蓋心統性情心同則性同可知也首節言性之本同而不同者由於陷溺麤麥二節卽物類之同者以明人類之同龍子至末節又卽人身之同者以明人心之同心之同然如此然則其不同

者信乎由於陷溺而非降才之殊矣

今夫麤麥播種二節

故凡同類者是同麤麥之一類而及於凡草木鳥獸之類也物之同類而相似者人皆不之疑至于人之同類而相似者何獨疑之耶聖人向不重聖人只見其性之相似耳

故龍子曰不知足四節

此四段輕說過歸重心上去心與足口耳目同是身之所有者是口耳目既皆同也心獨無所同乎以此提醒人最親切最痛快人未有不悟者矣

故曰口之於味也一節

心之所同然者是理義理即義之存是心之全體也義即理

之發是心之大用也。同然是自然而然，不待窮理精義之功而後然者，聖人句亦不重。聖人只見其心之同耳。雖聖人亦不過先得此心，而其心之所同然者，却未嘗異也。況於衆人而豈有不同者乎？○故理義之悅心，須作悅自家的方於多賴。多暴相貼舊說作同悅，似無味。只是心遇理義自然悅，不待使心到理義上，然後悅也。如遇易泰自然亦不待使心到易泰上，然後悅也。天機之妙，有感即通，不必打点，不必安排。至故至妙，不容言矣。信乎心之同此善也。孰謂性之不善哉

孟子曰牛山之木嘗美矣二節

此章爲人之放其良心者說。若平日養得心體全者，便不消如此。山木不重，只重人心。上木之害不重，斧斤重中，業牧之

心之害亦不重放之垂且晝格亡然住者不可談來者猶可追以孟子起死回生之法

仁義之良心初生時便與生俱生但放失之後若無生理者故日復之所息若復更生一缺日復是日之夜良心日乘亦生就被物欲格了夜裏物不離而神清身不勞而氣足是以生生而不覺○平旦之好惡是奸仁善惡不仁不善遂未有事在只一念好惡之公得人之所同然也然平旦特頃刻之際好惡亦特與人相近又特幾希而不多危矣危者吾人保守之須要如荷盤承露○格之反覆只是箇多欲多欲的人貪却要富富却要貴貴却要尊顯尊顯却要無欲不遂且要為子孫作千年之計此都是傷心體的縱有此微復氣如黍

米珍珠混入萬斛泥沙之內何時可提得出故其遠禽獸不
遠夫始而與人相近者此人也終而遠禽獸不遠者亦此人
也人至於禽獸悲哉○西山子夜氣箴云盡觀冬之為氣乎
木歸其根蟄蛰其封凝然寂然不見兆朕而造化發育之妙
實胚胎乎其中蓋闔者闢之基貞者元之本而民所以為物
之始終夫一晝一夜者三百六旬之積故冬為四時之夜而
夜乃一日之冬夫環之閭群物具闔旁手如未判之鴻濛維
人之身鵲晦宴息亦當以造物而為宗必齊其心必肅其躬
不敢弛然自放於牀策之上使慢易非僻得以戒吾之衷雖
終日乾乾靡容一息之間斷而昏冥易忽之際尤當致戒謹
之功蓋安其身所以為朝聽晝訪之地而夜氣深厚則仁義

之心亦浩乎其不窮本既立矣而又致察於事物周旋之頃
敬義夾持動靜交養則人欲無隙之可入天理熾乎其昭融
此箴以物欲之害夜為最甚若異乎孟子之說者然即有補於人也正好參看
故苟得其養無物不長苟失其養無物不消

山木人心莫對說要有起落木得其養固長而心得其養者
亦無不長木失其養固消而心失其養者亦無不消

孔子曰操則存舍則一節

此又引孔子之語丁寧人見心不可以失養操則存舍則亡
則字甚急與即字同出入二句只就操舍二句見得亡使出
存便入其出其入無有箇定時出便在外入便在内其内其
外亦無箇定處惟係人之操舍何如耳○舊說以此為心之

神效不則若贊心云者看來不是存而入謂之妙可也亡而
出可謂之妙乎蓋此只說心得失易而保守難其機如豎可
畏之甚也須要無時無處不致其養使神清氣定常如平旦
之候則此心常存無適而非仁義至正與中庸說莫見乎隱
莫顯乎微大學說十目所視十手所指其嚴乎同意○陽明
子曰出入無時莫知其鄉不可便以出為亡入為存若論本
體元是無出無入的若論出入則其惡慮運用是出然主宰
常昭昭在此何出之有既無所出何入之有出入亦不當動
靜者動靜無端豈有鄉耶○問浩然之氣與夜氣同否曰浩
然之氣是說氣之全體也夜氣則是從浩然內說夜裏又如
此亦非有二氣也若養得浩然之氣便不消說夜氣者夜氣
是心可待說者

孟子曰無或乎王之不智一章

王之不智由君子進見之時也故以生物為喻君子進見之時由王聽信之不專故又以學奕為喻

天下之物不知其幾特云易生之物者易生二字乃提醒人處見得人心之善是易生的一覺便告一培養便日新月盛○君子屬陽小人屬陰物之暴以陽心之暴以君子物之寒以陰心之寒以小人○萌蘖原有根培養以根須自己工夫有常不可頃刻間斷又頃日日親近君子有所嚴憚切磋以成内外交養之學不然根能存而萌蘖亦隨滅耳焉能華安心是箇主宰志是心之所向專心者主意專在此致志者極其所向直要到那處○專心致志四字正是居敬之道為學

之方也心堅石穿天下絕無難事矣豈獨為君者所當知哉
孟子曰魚我所欲也一節

魚與熊掌不重只似詩之興體舍生取義不是勸人之詞蓋
人心自然如此所謂本然之良心也且莫說出義之甚來下
文緣發其意○舍生取義亦不專說死國家之難說以難豈
常有者必待以而後取義恐終無取義之日了義字該得廣
人生便有欲舍所生之歎而雖成亦不悔便是取義如章內
云箪豆不受嗟是舍生取義也萬鍾不受不義亦是舍生
取義也如此看義統處處有取用矣

生亦我所欲一節

生歟對義不過或生都在義內全是義做張主義當生則生

義當歿則歿是生死雖重而義為尤重故生不苟得歿不避
如使人之所歆莫甚一節

如使六句輕帶過歸重由是二句上由是指所歆有甚於生
下由是指所惡有甚於歿

是故所歆有甚於生一節

以處重人皆有之不重賢者之勿喪

一簞食一豆羹一節

以正驗人皆有之行道之人不免於饑渴乞人尤饑渴之甚
者正當危迫之際簞食豆羹係其生死利害最切身了然猶
惡無禮而不食可見歆惡有甚於生歿之未至如以詩者乎
為鍾則不辨禮義一節

萬鍾對簞食豆羹者彼是小者猶辨禮義而不受此是大者却不辨禮義而受之彼是處生時關於我身有益者猶惡無禮而不受此是不關生或於我身無益者却不辨禮義而受之然則此受萬鍾者卽乞人與行道之人乎要亦借說之詞讀者不可以詞害意○前篇以乞者鄙求富貴之人此又以乞人鄙受萬鍾之人豈萬鍾富貴果有沉於人哉須看禮義二字禮義合受處則萬鍾亦是養賢之典富貴利達亦是行道之機也無禮無義乞哀而求之者則雖錦衣玉食位冠百僚亦是乞人而已矣鄙哉

卿為身成而不受一節

此又以利害之緩急兩下相較而深致嗟悼之意是亦不可

以已乎。蓋蠶食豆羹。關乎身之生成。似不可已者。宮室妻妾。所識之窮乏。則是身外之物。與生死都不相關。也是亦不可以已乎。不可已者。且已之而可已者。却又不已。怪哉。○此之謂失其本心。卽本然之良心。而欲惡有甚於生死者。凡本心之失。必有所由起。宮室妻妾窮乏之得。是其所由起也。人須在起處看破。一切世味。都是可已的。都淡然放下一絲也不掛。一塵也不染。無入而不自得。纔不失其本心。若是起處不曾過絕。還打要作富貴相的意思。顧曰。吾不失其本心。未有不迷於富貴利達而失其本心者。孟子堂高數仞。食前方丈。侍妾數百。後車千乘。而不為此。所以能藐王侯。壓暴秦。而浩然之氣充塞乎天地也。

孟子曰仁人心也一章

此章以仁為主為仁之學只在求放心自來聖賢講學未有
舍此心而不講求者蓋人之所以為人不過是此心而已放
却心便失了仁失了仁便不是人而入於禽獸故聖賢千言
萬語都只要人求放心而已矣○人心原不是有形之物只
此稟受於天一點神明之妙而謂之仁者就是人心其園外
而竅中繫之於肺肝者血肉耳却不是心也故人有滅天理
者為喪心豈其肺肝之間無園外而竅中者乎知安則知仁
是人心而心不是血肉之軀矣○仁包得義孝之行而酌其
宜者心也故學問之道只說求放心求得仁時義便在其中
矣○求放心只是學問之道不是以學問去求放心也若云

另有箇學問去求放心則是世儒考古今通世變之學而與
心體全不相干矣又何能求得放心耶○晦庵子云學以尊
德性求放心為本而講於聖賢親切之訓以開明之此為要
切之務若考古今通世變則亦隨力所至推廣增益以為補
助尋不當以彼為重而反輕此心救歛之實少聖賢親切之
訓也若以彼為重則是學問之道不在於心而在於書不在
於經而在於史為子思孟子便欲頹然劣而不足觀况為司
馬遷班固范曄陳晷之徒然後可造於正大高明之域矣又
云文字雖不可廢然淫養此心而察於天理人欲之判此是
日用間不可頃刻間斷的事若於此處見得分明自然不
入世俗功利權謀裏去某亦近日方實見得向日支離病

雖與彼中證候不同然其忘已逐物貪外慙內之失則一而已矣程子說不得以天下萬物撓己已立後自能了得天下萬物今自家一箇心不知安頓去處而談王說霸將經世事業別作一箇伎倆商量講究不亦悞乎此晦庵晚年定論也見得學問之道只要在上講求而與此章註解却大不同矣正是向來枉費推移力此日中流自在行學問的至妙至極處盡在於此此所以為聖賢之學而泰山之仰止者無非此孟子曰今有無名之指一章

此亦是嘆人不求放心指不若人不是疾痛害事心不若人却疾痛害事了明道子曰人有四百四病皆不由自家心病須教由自家也夫病在身者直待泰楚之遠求人去醫病在

心者只自家一反求之便是我欲仁斯仁至矣而由人乎哉
○教詭之云心昧要細緊洪備此三者無病矣鶴林子云小
心翼翼細也遜志時敏緊也有容乃太洪也此說亦妙
孟子曰拱把之桐梓章

此亦是嘆人不養心心者身之主至於身而不知所以養之
者不知養心以養身也桐梓知養使自拱把可至於合抱身
而知養使自賢士可至於聖人苟爲弗思則待其身曾一草
一木之不若矣哀哉

孟子曰人之於身也一節

此亦是嘆人不養心燕愛燕養心與衆體皆在其中於已取
之者審其何者爲輕何者爲重養其重者便是善養其輕

體有貴賤一節

此正解於已取之已之體有貴賤有小太貴而大者是心所
當重也賤而小者是衆體所當輕也養小與賤而從其輕者
則為小人是養之不善者矣養大與貴而從其重者則為大
今有場師二節

此二節一喻入之以賤害貴者一喻入之以小害大者然且
莫說出下文纔說出飲食之人則人賤之矣○養者耳便貪
聲養者目便貪色養者四肢便貪安佚飲食之人專說養口
腹者以一而例餘之意

飲食之人則人賤之矣為其養小以失大也

飲食之人則人賤之者為其以小害大而似狼狽人以賤害

貴而似賤場師耳

飲食之人無有失也至屑哉

此是設詞輕拖過只以正意來繳飲食之人既專養口腹假饒於心又不老則口腹之養亦是軀命所關而不止為尺寸之膚者何可以為賤但飲食之人無有不失其心者此所以可賤也蓋口腹雖是當養然食其所當食飲其所當飲亦自足以全其軀命者何必專養之而以小害大賤害貴哉

公都子問曰鈞是人也一章

人有此體統成箇人體有小有太以體之小大分人之大小此語極切○耳目之官三句謂耳目不能思是小體也心之官三句謂心却能思是大體也體之大小只以思不思為蓋

不思便是物物便不能通故為小思便是神神便能妙萬物
故為太○耳目之官不思不是人不肯思乃耳目的本體自
不能思也心之官則思不是人用力去思乃心的本體自然
能思也思則得之二句亦只聞闕就心說思即得此理不思
即不得此理思與不思之間而理之得失係之可見心之所
係者大矣○先立其大者心須是立立須是在先臨時亦不
濟事先時奮起精神使心之神明不至昏昧不至放逸愈見
卓立便愈見精明事至而能思物來而不蔽自體都泯令吾
安能奪之乎○問心是得失易而保身難者立之之功以何
為先曰試看天下之物只不偏純立得住稍有此偏便倒在
一邊不能立了故要立此心者各人先從自己性偏處克將

去以曾子而猶慮有不忠不信之偏以趙清獻而猶不免色之偏嗜况他人乎各人偏處若痛癢然自己未有不知者所謂良知也須要致此良知此心一涉於偏卽下勇猛工夫着實克去絕不倒在一邊純正正當當立得此心住不然是以偏邪之物而遇風雨之漂搖矣能保其立而不仆地哉○先立其大者心定神凝而神常載魄不立其大者神散不治而魄常載神抱神載魄此固大人之所以為大人也而真人深根固蒂長生久視之道亦在此矣哉哉

孟子曰有天爵者一節

天爵二字極好仁義忠信四平看義卽是仁義忠信樂善不倦正是懿德之好自然而然者此皆上帝之所命天下之達

尊不待位而榮不假祿而富我得而有之人不得而棄之者
古之人脩其天爵二節

古今人不平看重歎今人上當時人尚脩天爵以要人爵後
世則以文藝取人人皆廢天爵而要人爵樂可歎可歎○孝
廉賢良茂材明經漢之取人猶以天爵也唐宋而下古意滅
盡矣今縱不能為唐虞三代獨不能為漢乎雖然人情愈偽
賄賂橫行苟以天爵而取人人又以虛名而取誑矣然則文
藝之取亦不得已而聽命於天者乎要之君相選以造命為
正○得人爵而棄天爵者彼以為可極一身之榮也而不知
天下指視之嚴史氏紀載之實亦可辱也以為可極一時之
樂也而不知前輩影樣之多後人是非之公亦可憂也以為

可作無窮之計也而不知每日光陰之易去過者不復可補
百年歲月之無多來者未死可追亦可畏也况又終亦死亡
而已矣其榮其樂其所計者安在哉

孟子曰歆貴者人之同心也人人有貴於己者弗思耳

良貴二字極好有貴於己者是良貴人顧不敬之特為物欲所蔽而弗思耳

人之所貴者非良貴也趙孟之所貴趙孟能賤之
趙孟之所貴是人貴趙孟能賤之可見非良貴也○晉為盟
主趙孟世為晉卿故以趙孟說亦不死拘

詩云既醉以酒一節

仁義聞譽正是有貴於己者不是人之所貴人亦不能賤之
者貴者我也貴我者天也是以謂之良貴○膏梁是人貴者

之食文繡是人貴者之衣聞樂即是飽子仁義之聞樂二字
一祇令廣字有別此不是好字乃不取而自得者亦自有一
段可愛處也○子思曰錦繡紛華而服不過溫體三牲太牢
所食不過充腹知以身取節者則知足矣苟知足則不累其
志矣良貴人貴之說亦得之子思者歟○虛齋子云命好德
不好王侯同勳尊德好命不好頗淵任窮天思及於此則何
人貴之足貴為良貴之不貴也哉

孟子曰仁之勝不仁也一章

仁之勝不仁俱就自己說蓋天理人欲迭為消長之意仁者
心之本體不仁從物感上出來仁原是主不仁原是客仁之
勝不仁本是常理但仁是道心道心最微故為仁者須要培

養得厚擴充得大終能勝不仁壓得倒驅得退若平日無培養擴充的工夫此仁已微了作主不得便教歆交攻以客乘主其勢決不相下當此之時却又不反諸已而謂不仁之不

可勝為仁之無所益謬哉

孟子曰五穀者種之章五穀不重只以之起仁苟為不熟是人為之不熟者不如美稗不是以美稗為可取只見得美種之不熟為可恨也○仁之為道統四端而兼萬善位天地而有萬物真種之美者也為之何可以不熟熟字是要其成說這裏煞有五夫故亦只是充盡已私緯厯無間而已若稍間斷私欲便又入來向雖有得亦終无下落何緣得熟耶○晦庵子云天下無不可說

的道理只有一箇熟處說不待到那熟時雖柴柿耳羹之譬亦不足盡其妙也熟者自當知味

孟子曰羿之教人射章

以重聖道且只以曲藝為喻聖道相傳垂教萬世者只有一箇家法曰精一執中曰博約一貫曰明明德尊德性曰求放心存心養性名色雖不同總是一箇道理總是一箇家法學者舍此更別無法可據矣○法不可廢亦不可泥蓋法者存其大綱而出入變化則付之人也契止於聲何以盡射之巧匠止於規矩亦何以生器之神况穿楊之訣由基所以獨得而輪扁之所斲者亦不能以傳之子也然則上達之妙君子惟當自解於心而已奚可徒泥法哉

任人有問屋廬子三節

以禮字就食色中禮說先以禮食如嗟來之食先不食之之類元親迎如年荒不能備禮元欲備之之類○任人是取食色之重者與禮之輕者而此之偏在一邊了後見得食色重孟子是取食色之重者與禮之重者而此之見得禮為尤重○屋廬子不能對三節

不揣三條先開示屋廬子使知答任人之不難往應一條正以答任人之詞教之也大意云論禮與食色者若不於其平而於其偏饑歎之食便可重於禮不得妻之色亦可重於禮猶不揣其本而察其末方寸之木可使高於岑樓善殊不知禮與食色之論豈可於其偏而不於其平哉禮重於食者不

是饑歟與禮食之謂禮重於色者不是不得妻與親迎之謂
猶金重於羽者豈謂一鉤金與一與羽之謂哉蓋饑而死者
食之重也以禮食者禮之輕也取食之重者與禮之輕者而
比之豈但食為差重食愈見其重矣不得妻者色之重也親
迎者禮之輕也取色之重者與禮之輕者而比之豈但色為
差重也愈見其重矣惟取禮與食色之而下平重者此之則
禮之尤重統可見矣是故紿兄而奪食禮之重也不紿而不
得食食之重也取禮之重者與食之重者而比之則將終之
乎吾知寧食不可得兄決不可紿可見禮尤重於食矣踰牆
而樓康子禮之重也不樓而不得妻色之重也取禮之重者
與色之重者而比之則將樓之乎吾知妻寧不可得康子決

不可接可見禮尤重於色魯任人聞此能復強辨而輕禮哉
○禮與食色輕重固有大分然亦有不可執一論者又在因
時而制宜也是以聖賢雖不枉尺而直尋亦不膠柱而調瑟
常事則處之以經變事則濟之以權孟子斷斷乎守經而不
及於用權者特為任人云耳淨瓶之未賜可漫輸却山子哉
曹交問曰人皆可以為一節

人皆可以為堯舜為是脩為也曹交將為字忽過故有之形作
交聞文王十尺一節

鵬鵬不以大自誇蜩鷦不以小自憚身不勝衣者有霸晉之
然而橫於九畝者不免會稽之誅類若女子者有闕漢之功
而大於十圍者不免鼎陽之敗九尺四寸何足以為長也此

而可為聖人則陽貨之類為孔子項羽之目為重華矣

曰奚有於是亦為之一節

有人於此不勝一匹雖便為無力人舉百鈞便為有力人只就一箇詭匹驪之不勝為不用力也不鈞之能舉為其用力也可見人本有力但不用耳用之則雖為獲所任者舉之而亦勝也

徐行後長者謂之弟一節

此處云徐行疾行下又云衣服言行分明為曹交禮貌衣冠言動不循禮而放然亦是教人的方子大凡教人都有箇開端處象山子云聖賢教人只就日用處開端如徐行後長不成在長者後行便是孝弟便是堯舜怎生做得堯舜也須是就上面着工夫○問孝弟如何盡得堯舜之道曰孝弟所包

者廣親睦是孝焉萬邦時雍亦孝弟也底豫是孝弟天下化成亦孝弟也人惟看察了孝弟故疑不足以盡堯舜之道耳孝悌之極致只在家庭而已哉

子服堯之服一節

言行服汎說就點孝弟亦不妨舉堯是以之該舜也服堯服言堯言行堯行亦只是服有道之服言有道之言行有而之行不是一一與之同也若一一而與之同則堯乃天子也衮冕之服號令政教之言行可得而同之乎

曰交得見於鄒君可以假館願留而受業於門

曾交歆見鄒君而曰得歆假館而曰可詞氣粗倨全是挾貴之意正不可與入堯舜之道者嗟嗟人生貴顯便至王侯將

相大都亦不過三四十年紀于倚托貴顯者乎唯有立身行道便千載不朽人願徃徃以彼而易此且以彼而挾此何哉曰夫道若大路然一節

此道字汎說然點孝弟亦不妨師是人之依歸依着道行道便是箇師道在此師便在此道在彼師便在彼隨在而皆真便隨在而皆師倚其師之多也故曰有餘師師既有餘則其為堯舜也亦有餘善○師在歸求亦只為曹交云耳楊子雲曰一閭之市必立之平一卷之書必立之師師其可少乎然師亦不可易而求也庸工誤器器可以別置庸婦誤衣衣可以別裁庸師誤子弟子弟可以復胎乎是尤不可不慎也矣○問堯舜可為聖人固是可學者而聖人不復見於天下意

者聖人畢竟不可學然曰學其可學斯可學矣學其不可學斯不可學矣何謂可求盡吾心而已矣何為不可求全其才而已矣求盡吾心者孝吾親弟吾長懲吾忿窒吾欲敗吾過遷吾善窮吾之神知吾之化自有而自為之夫誰謂不能求諸易者也求全其才者天有所短地有所長智有所不及神有所不通九官不兼其能堯舜其猶有病求諸難者也難就易斯謂之善學矣而何聖人之不可為哉

公孫旦問曰高子曰小弁一節

高子以詩人溫厚和平小弁詩哀痛迫切故譏之曰小人曰固哉高叟之為詩一節

有人於此以此人為主越人關弓而射之其兄關弓而射之

俱是射此人此人為越人所射則談笑而道之為其兄所射則垂涕泣而道之為其兄所射此為其父所廢者兄弟至戚也兄射弟便絕了弟故此人涕泣而道之不忍絕其兄父子至戚也父廢子便絕了子故宜曰涕泣而道之不忍絕其父○親親之仁只就一點愛父之心說不是全體之仁○詩三百怨者亦多高子只議小弁者以其處父子之間而怨也却不知小弁之可取者正以其處父子之間而能怨乎

曰凱風何以不怨

此間是以凱風例小弁重在小弁上親同有過詩同一體小弁處父子之變猶凱風處母子之變小弁既當怨則凱風亦當怨也而凱風何以不怨凱風之不怨是則小弁之怨非矣

曰凱風親之過小者也一節

凱風之過過在身家故曰小小弁之過過係宗祧故曰太○
愈疏不可殲俱無子親親之仁故俱為不孝愈疏者不孝小
弁所以怨也不可殲者亦不孝凱風所以不怨也兩事不可
同日語可以彼而議此乎

孔子曰舜其至孝矣五十而慕

舜五十時已無怨此云怨慕亦不允泥怨慕者為至孝可見
小弁之怨亦是孝也既是孝子可議其為小人乎○舜曰父
母之不我愛於我何哉是怨已而慕親也小弁曰君子秉心
維其忍之又曰君子不惠不舒究之是怨已而亦怨親也蓋
子亦姑借舜以証小弁耳若論人品之高下則何啻霄壤之
懸絕哉

宋輕將之楚一節

宋輕是聞墨子之風而悅之者其為人太多其自為太少故
多遊說○孟子遇於石丘雖是偶遇然宋輕於以得聞仁義
之說亦是天要明仁義於秦楚故假此一會也○當中流而
覆舟者一壺可以千金當構兵而說罷者一言可以九鼎故
曰先王之志則大美惜乎其不可耳

先生以利說秦楚一節

此是以利為說之害正見其說之不可也○輕說構兵不利
便是說罷兵為利故云以利說秦楚之王○人臣人子人弟
卽三軍之士要之利風一倡國人都懷利了此以屬三軍者
因承樂罷句來○下文做此○懷利以事者懷箇利心去事

之有所覬覦而不出於實心也故見利忘爭失利忘怨其奪之禍起而國必亡矣

先生以仁義說秦楚一節

以承上云料既不可說秦楚亦有仁義而已矣以仁義說之者只就構兵上說如殃民不仁犯制不義之類○懷仁義以事者懷箇仁義心去事之實實落落但知此事是我心所當自盡的絕無一毫覬覦之意也夫然則人人相愛相敬者亦親逆者亦順矣而有不王天下者乎○罷兵息民同一事也以利為號者便至于亡以仁義為號者便至于王王與亡迥然不同若以然則輕歆秦楚亡乎歆秦楚王乎不知後來恁以仁義說秦楚否如其說之而不王則秦楚不行仁義之

過也。輕無與也。以楚之所以亡於秦而秦之所以亡於二世也。輕何與哉。天亦何與哉。

孟子居鄒一節

季任與儲子初不自來。只以幣交來。為非禮。故孟子皆受之。既受之後。處守者猶可不來。為相者不來。則其誠不至了故他日由鄒之任一節

連得問問字與吾無問然問字同乃非問也。屋廬子知孟子處此元有義理本無可問者。但不設為問之之詞。則無以得其處之之故。故問之曰。為其為相與。

問曰夫子之任三節

享多儀。儀即不是儀文。惟不後志。於享是書。自鮮不享。

之意為其不成享。又見孟子解不享二句之意書以不後志於享為不享者為其不成享故也。○享禮須是志與物而書經成箇事不後志於享者有物而無志得其一又缺其一便不成箇享。○季子是成享者故見之。儲子是不成享者故不見之。○其意是為其為相耶。

坐廬子悅武問之一節

或問之其間季子儲子如何。一為成享一為不成享。季子不得之鄒重為居居守不得來見意而任與鄒又是異國難得來意帶說儲子得之平陸重為相得以來見意而平陸又是齊境內易得來意帶說不得之鄒者以幣交而像已及物故謂之成享。得之平陸者雖以幣交而像不及物故謂之不成

享然則孟子之一見一不見也何莫而非義之所在哉

淳于髡曰先名實者為人一節

此章淳于髡譏孟子有三段仕齊而去為不仁是一譏雖不
去亦無益是再譏不足以為賢是三譏髡嘗云魯季康父之
陰柴胡桔梗可車而載三譏若此是以孟子為柴胡桔梗而不知其為神藥
名實即是功名此二字聖賢所不道者若以先名實後名實
為仁則是仁者亦以功名為念了故孟子答淳于髡全不提
此二字○髡意出便是出處便是處各成其事統為仁若既
出了未能成事而又去之既不成處又不成出而無所成這
便不是仁不知為人豈聖賢之本心然時之用舍有不能先
者時苟我用便出而為人時不我用便處而自為處而又出

出而又處卷舒變化一隨乎時何不可之有若云既出了不可復處到底只要為人則必至於枉道而亦未有能直人者但此意難以語髡故只得以伯夷伊尹柳下惠事曉之伯夷是處者柳下惠是出者伊尹是有出有處者處者是仁出者亦是仁出處不定於一者亦是仁可見在三卿而又去之於亦是仁矣孟子曰居下位不以賢一節

孟子在三卿而又去之正是可以仕則仕可以止則止仁之熟而聖之時者但不敢直附孔子且將三子米說然終是不能掩也故以孔子為結斷○伊尹五就桀是就湯以後事既為湯出了便當以湯之心為心就桀者湯使之就望桀改過而遷善也柳子厚以就桀為欲速其功差矣○仁者縫乎天

理而無私心三子之心俱純乎天理夷不為繁身之私惠不為干利之私尹亦不為利名之私同此天理之純故曰其趨一也然則君子之出處亦惟純乎天理無私心而已迹不必其同也必求其迹之同是同於去者而同室之閫亦不救同於就者而卿鄰之閫不閉戶善可謂仁哉

曰魯穆公之時二節

亡甚於削魯之不亡蓋賴此賢之力也若無此三賢者則亦如漢之亡矣

曰昔者王豹蒙於淇一節

王豹善謳縣駒善歌、是長言之謳聲有曲折杞梁妻善哭夫華周妻無考、國俗者國人化之皆篤夫婦之義無分於死生也晦庵子云國俗化之皆善哭豈國人之夫皆死耶

曰孔子為魯司寇節

孔子為魯司寇不用從而祭不用二字不可忽蓋孔子之去
魯由魯君之不用可見孟子無功而去齊亦由齊王之不用
非以不賢之故也龍黃鵠而責其無千仞之翼絆良驥而責
其無千里之材差矣○乃孔子二句上句重在慶君柳下句
重臣慶臣欲不欲正是孔子之用心微罪微字對顯字有不
顯之謂微不是微小之微而以膳肉不至為罪之小欲以微
罪行若欲以不顯其君相之罪行也不欲為苟去者無故而
去便去得無名色是為欲去者以膳肉不至去則亦有箇名色
而不是苟去矣孟子之去齊想是齊王亦有罪也然終不顯
出以解髡之三譏亦是見幾明法用意忠厚者矣宛

孟子曰五霸者三王一節

自王道衰霸國盛人但知五霸之功誰改諫五霸之罪唯孟子崇王黜霸故以三王律之而名其為罪人夫五霸三王之罪人也其趨已下今之諸侯又五霸之罪人也則愈趨而下矣天子適諸侯曰巡狩一節

天子巡狩諸侯述職只重此二事省耕省斂帶說不重○自入其疆至則有讓是詳巡狩之事自一不朝至六師移之是詳述職之事○諸侯之賢否天子平日想察未及入疆時驗過了纔行賞罰不然入疆之初安能悉其真偽而可遽行賞罰也○貶其爵者猶存其地削其地者猶存其人是他改過之意終於不改而後六師移之可見王者重絕人矣○詳

巡狩之事。凡賞罰之權。只有天子主得。詳述職之事。凡征伐之權。亦只有天子主得。天下事主之者。天子。而諸侯皆不敢自專。三王之法。知此是故。天子討而不伐。諸侯伐而不討。五霸諸侯。以伐諸侯。則不知有天子。而犯三王之法。是三王之罪人矣。○天子討而不伐。二句。不平看。重天子。上天子命諸侯。以討而不伐。諸侯。則奉天子之命。以伐而不敢討也。○五霸伐諸侯。不自伐。而必撻諸侯者。緣他不奉天子之命。亦自知得不可。乃合諸侯之議。併諸侯之力。以為出於公焉耳。○五霸於天子之賞罰。征討。都有僭。辱此。只罪其征討者。以征討而該賞罰也。然賞罰之僭。禍猶有限。征討之僭。禍更無窮。爭地以戰。殺人盈野。爭城以戰。殺人盈城。罪不容於死。

矣故獨以此為說亦服上刑之謂也哉

五霸桓公為威一節

葵丘之會諸侯為句束牲是把牲束縛而不殺載書者牲上
載五命之書殺牲便有血不殺牲故不歃血桓公自恃他威
足以懾人而人不敢犯又恃他信足以服人而人不能犯故
無事於歃血也○天經地義莫大於孝五刑之屬三千罪亦
莫大於不孝故以誅不孝為首世子既立是天子所命國人
所戴者故不易萬一有罪必請於天子而後易之妻是與君
敵體承祀宗廟者以妾之賤為之則不惟輕其身且輕先君
矣故無以妾為妻○士無世官世官之制害事最多子孫之
賢者有幾以愚不肖之子濫襲先人之官政不能理而軍民

世被其害不若除元勲外各軍職子孫只依世祿之制教之
成材者然後授之以官庶可兩全而無害哉

高皇帝定襲職之例凡內外指揮千百户子弟年及二十比試
初試不中者食半俸二年後再比中者食全俸仍不中者降
充軍其制之嚴若此而今則不行矣雖有此試之名不過虛
應故事耳又何望有成材而稱職者耶○問桓公之五命亦
是三王之道却以為罪人何也曰王霸只在誠偽上辨三王
之道誠也桓公之命偽也玉自玉石自石石不可為玉霸豈
可為王乎○霸者之偽只為圖功利故人皆以功利詆霸者
而要之霸者却無功利也霸莫盛於桓公諸子相屠身死不
殞禍且不能避矣何功利之敢望乎故曰王道之外無坦途

舉皆荆棘仁義之外無功利舉皆禍殃詆霸以功利者亦借
長君之惡其罪小

長君之惡者君有惡不能諫又順之惡便從此益長逢君之
惡者君之惡未發探其意而先迎之是他的意思與君相遠
也夫君有惡念其始亦未安而不敢以遽達小人迎而安之
則其發也必果君以為已意未形而他能先之則其愛也必
篤逢君之惡一語可謂極小人之情狀矣○君人者豈能無
愆乎臣子須是有忠愛之素以感之有德望之隆以鎮之使
其欲若有所斂而不發次以帝王之學而導之又多進賢人
君子扶持之匡勸之力不以一日而有間夫然後君心日以
無愆君德日以清明而天下日以大治矣矣有所謂惡乎謂

君之惡有不忍聞者况長之乎長之且不可也又

况堯之采
吁危矣哉

舉欵使慎子為將軍四節

天下事須論箇利害尤須論箇是非不教而用為殃民是以
神宗論齊不可伐一戰勝齊遂有南陽然且不可是以是非
論齊亦不可伐也

慎子即名到者晦庵子云滑釐是慎子名未之考也慎到尊
尚禽滑釐之術故云一戰而勝正滑釐之所可者夫子云不
可此則滑釐所不識也

曰吾明告子一節

此節舉先王封國之制雖併天子說重在諸侯一邊天子之
地方千里者必有千里之所出絕足以待諸侯朝覲聘問之

禮諸侯之地方百里者必齊百里之所出終足以守宗廟祭
祀會同之典籍宗廟只當有國者看不是單說祭祀之宗廟也
周公之封於魯一節

周公太公是有大功者雖裂天下之半封之亦無不可而顧
儉於百里者蓋二公是諸侯遵先王之制而封以百里之地
惟使他足以守宗廟之典籍而已矣○周公是魯之始太公
是齊之始故特舉之魯之始既定於百里今何可得而益齊
之始既定於百里今何可得而損乎

今魯方百里者五二節

魯方百里者五有王者作必在所損又豈可取南陽而益之
也殺人以求卽是殃民而不害於堯舜之世者矣

君子之事君也務引其君於當道志於仁而已

此節云殃民亂制是不仁而不道也主之者雖暴君正救之者却在子既不能救而又為之將亦異乎君子之事君矣當道志仁雖是平說要之道即仁之道也心志於仁未有事不當於道者以遵先王之制以脩與國之好以全民物之命凡事之當道者都從志仁一念為之耳慎子不能以此而事君便不是君子不君子便是小人矣小人可甘為哉

孟子曰今之事君者一節

此言當時當國之臣君不鄉道不志於仁是桀也臣不能引之以仁道却又求富之是富桀也而民益困於財矣非民賦而何耶我能為君約與國一節

此言當時強兵之臣君不御道不志於仁是桀也臣不能引之以仁道却又為之強戰是輔桀也而民益困於戰而何所由今之道無變今之俗雖與之天下不能一朝居也

此言富國強兵之臣用之者無益而有害以富強為良臣今之道今之傳也今之君蓋恃此輩可藉之取天下耳殊不知天下者非此輩所能取也雖或幸而與之天下然民心不歸和木不固索際並起而爭之亦必至於危亡矣能一朝居曰主曰吾欲二十而取一一章

中國什一而稅是堯舜大中之道惟其中也故措之天下而安傳之萬世而無弊重之輕之皆非中也故可行於夷狄而不可行於中國可行於一時而不可行於萬世說輕之併及

重之者輕之者自負其重之而不知其同歸於亂也○二十取一與並耕而食是箇似是而非的法度聖人治天下却同達道以千百姓之樂固拂百姓以從己之欲不念稼穡橫征暴斂者拚百姓以從己之欲也並耕而食二十取一者達道以千百姓之譽也孟子一詆之為樂一詆之為終懷夷安要際亂反正之功大矣哉

白圭曰丹之治水也一章

禹以四海為壑水性就下四海是下流所聚以四海為壑者不特順水之性且四海是無人之境水到此處更有何傷此禹之所以為仁也丹以鄰國為壑曲為隄防水被壅者已足遂行而無異洪水之災矣且鄰國獨非赤子乎已受其利而

鄰受其傷此丹之所以為不仁也不仁而可愈於仁者哉
孟子曰君子不亮惡乎執

亮字考之說文古無此字晦庵子以為與諒同訓作信而惡
字從平聲讀時文且依他說君子於事信有必為之志拿定
要做纔有箇執持若不如此則做也得不做也得何所執持
也○橫渠子據貞而不諒之說以諒為必信而惡字從去聲
讀謂君子不必於信者惡其執一而不通也此說更好
魯欲使樂正子為政孟子曰吾聞之喜而不寐

樂正子學於孟子魯欲使之為政弟子之道行即師之道行
也孟子以欣喜而不寐○孔子嘗攝相事有喜色子路曰由
聞君子禍至不懼福至不喜今夫子得位而喜何也孔子曰

然有是言也不曰樂以貴下人乎樂正子之好善將以貴而
下人矣孟子之喜亦是此意

公孫丑曰樂正子強乎一節

強知慮多聞識只就世俗之所尚者說不可說得太好若太
好便是聖賢之大勇大智大識見矣為政者又豈可無耶
然則矣為喜而不寐四節

善字談得濶好善是好善之理而好人之善亦自不消說天
下至大也好善且優為之矣况魯僅天下之一國乎
夫苟好善則四海之內皆將輕千里而告之以善

此發好善優於天下之意是汎論其理不就樂正子說好善
之人虛心順理善不必出於己人有善亦不疑其勝己未得

則樂於求之既得則樂於用之四海之人孰不樂告以善也
告者盡四海之善則聞者皆善言見者皆善行智識勇略無
一不在其中而天下之治優々矣又何有於一國乎
夫苟不好善一節

此說不好善之害亦是見好善優於天下之意不好善之人
善者止于千里之外而與詭譎面諛之人居則聞者非善言
見者非善行聰明日蔽於上而惡政日加于下國歟治且不
可得善况可以望天下之治乎

陳子曰古之君子何如則仕孟子曰所就三所去三

仕者有就有去陳子問仕是無去就問故孟子答以所就三

迎之致敬以有禮一節

此條重行其言上迎之致敬以有禮是為行言之地言即道
之所在行其言即是行其道也既以言而就故亦以言而不行
其次雖未行其言也一節

此條重致敬有禮上既以禮而就故亦以禮衰而去

其下朝不食一節

此條重周之上未言就之者先時曾就來未言去之者後亦
決是去也○饑餓不能出門戶者周之緣可受未至如此甚
者猶不可受也受之云免死而已則亦有節而不多矣

晦庵子以孔子見行可際可公養三項仕解此三條愚意不
然蓋三條雖都是說古之君子然君子亦有高下但不是小
人通得稱之也孟子分明通上下說仕本是為道者道行便

當就道不行便當去故以道為去就者是上等的人不以道
而以禮者是次等的人故謂之其次不以道又不以禮而只
以其周之者是下等的人故謂之其下是行可際可公養三
項仕却都是為道也若引來解此處恐下視聖人一等乎哉可

孟子曰舜黜於畎畝之中一節
首二條言處困之人三條言有過之人四條言有國之人末
條則回上事而泥言其理也

舜說六人人品不同事功亦異孟子不是混取之蓋王霸之
分自有取舍特曰其由困而亨者同故併以之勵人○舜
說夷吾百里奚人皆知之膠鬲當武王伐紂時紂使鬲侯師
以甲子日報武王冒雨疾行救鬲之死叔敖為令尹時有丈

人吊曰爵高者人妬之官大者主惡之祿厚者怨歸之是以
吊也敖曰吾爵益高吾志益下吾官益太吾心益小吾祿益
厚吾施益博可免於患矣夫人曰善哉言乎附記於此
故天將降大任於是人也一節

舜說六人所以為聖為賢者雖是天資不可及然亦未必不
自困中來蓋困是進人之基康節子云當鍛煉時分動挺到
磨礱處發光輝吾人所以成器者大率如此○所以二句承
上五句說動心忍性完成其德增益不能是達其本仁義禮
智之心雖非至此始有也然道則貴成於己之會未有不自
憂勤惕厲者動之聲色臭味之性雖非至此遂無也然養則
付命於天之念未必不自備嘗艱苦者忍之所知所能者雖

非有加於賦畀之外也。然熟思審處之方，亦未必不自經閱
諳練之深者，增益之心性既忍且勦，則以當天下之任，必不
縱一己之勢而不為百姓之害。善才能既增且善，則以任天
下之事，必至繁不為之亂，而至大不為之驚。善成於困，極之
時而用於既成之後，雖聖賢之福亦天下之福也。天意之妙
若此，然則吾人之蒙困者，可輒怨尤以至於顛墜乎？○問文
王周公不以困而成，孔子顏淵困而未大任，天意又是如何？
曰：堯舜之囚，流言之懼，文王周公亦未嘗無困也。為往聖繼
絕學，為來世開太平，孔顏之任可不謂大哉！

人怕過後能改一節

人怕過是以常人說常人便怕有過也。困心衡慮而後作，則

凡事必皆謹之於平日矣微色發聲而後喻則凡事必皆謹之於幾微矣此處亦不是以過望人是要人改過而進於無過也苟過而不改而不能無過則亦頗復之厲而已孟何入則無法家拂士出則無敵國外患者國恒亡

為國者有法家拂士之規諫有敵國外患之侵凌便勵此治而國可以恒保若無此四者便溺於宴安國未有不亡者也漢以無諸葛亡晉以無孫吳亡唐以無郭李亡宋以無遼金亡古來興廢都是如此樂苦者病則利外寧者力則憂矣有國者鑒之哉然後知生於憂患而死於安樂也

憂患有生之理安樂有歿之理哉

高皇帝嘗命工畫身所經歷艱難起家戰伐之事為圖以示子

孫曰富貴易驕艱難易忽久遠易忘後世子孫生長深宮惟
見富貴習於驕奢不知祖宗積累之難故示之以此使朝夕
觀覽庶有所警也又弔示宿衛諸臣曰卿等並在民間視元
之將帥輕裘肥馬氣談赫赫何牧望之然彼皆恣其逸樂以
致喪身破名爾輩須勤身守法勿忘貧賤之時勿為驕奢淫
佚之事則身常榮而家常裕矣此處於安樂生於憂患之理
既以為子孫訓文以為臣下訓則今明良相保以成億萬年
無疆之休者夫豈無附本哉○橫渠子云富貴福澤厚吾之
生貧賤憂戚玉汝於成片憂患與安樂天意都在要人生全
也君子脩之志必盡也好步樂也好所謂貧賤不能移富貴
不能淫也夫為國天者有乘小人博之凶安樂也不好憂患

焦氏曰 詩曰胡不相畏不畏於天可送而不畏哉

孟子曰教亦多術矣一節

予不屑之教誨也者不是絕之乃激而進之之意使之勉於用力以爲受教之地也不屑之教亦是教可見教亦多術矣
○程子曰君子若未得位無處可以發揮則講明聖人之學以開導後進身雖隱而道光跡雖處而教行亦不枉其素志矣
矣○教人雖是多術然本領却只一件不過是要人收拾此心若不先去理會這本領只教他事事物物上理會雖是理會得許多骨董也只添得許多雜亂添得許多驕吝耳故語
述件則曰教亦多術矣語本領則曰術豈多乎哉